



Aqqa Samuelsen,
Inatsisartunut ilaasortaq, Inuit Ataqtigiit

§ 37 tunngavigalugu apeqqummut akissut –187/2019 Kalaallit Nunaanni tarnip pissusaanik ilisimasalinnut tunngasoq

28-06-2019
Sagsnr. 2019 - 11892
Dok. nr. 10939479

Asasara Aqqa Samuelsen

Postboks 1029
3900 Nuuk
Tlf: +299 34 50 00
Email: ikin@nаноq.gl
www.nаноq.gl

Inatsisartut suleriaasiat naapertorlugu apeqqtigisannut qujanaq. Ataani akissuteqarfigissuakka.

Siullermik ajussaarutigissavara apeqqtippit suliarineqarnera sivisunikummat. Tassunga peqqutaavoq apeqqtigineqartunut akissutissatut paasissutissat piniarneri sivisusimammat, Ilinniartitaanermut Kultureqarnermut Ilaagiiqarnermullu Nalakkersuisoqaarfimmi tarnip pissusaanik ilisimasallit nalunaarsornerat tamakkiisumik piginningsigut. Kalaallit Nunaanni tarnip pissusaanik ilisimasallit pillugit akissutissanik katersuinarneq amigarsimavoq apeqqtigineqartut tamakkiisumik nalunaarsorneqanngimmata.

1. **Apeqqut 1: Ullumikkut Nunatsinni tarnip pissusiinik ilisimasallit ilinniarsimasut qanoq amerlatigippat?**
 - a) Qanoq amerlatigisut nunaqavissuuppat/kalaallisut oqalussinnaappat?
 - b) Qanoq amerlatigisut Nunatta avataaneersuuppat

Akissut: Dansk Psykolog Foreningimi nalunaarsugaasimasut tarnip pissusaanik ilisimasallit 53-iupput. Imaassinnaavoq peqatigiiffimmi ilaasortaanngitsunik tarnip pissusaanik ilisimasalinnik allanik peqartoq.

- a) Paasissutissanik eqqortunik pissarsinissaq ajornarsimavoq.
- b) Paasissutissanik eqqortunik pissarsinissaq ajornarsimavoq.

2. **Apeqqut 2: Nunatsinni tarnip pissusiinik ilisimasallit suliassaqarfinni assigiinngitsuni sorlarni atorfeqarpat?**
 - a) Kommunini?
 - b) Namminersorlutik Oqartussani?
 - c) Namminersortuni?

Akissut: Immikkuutitaarlugit atorfillit nalunaarsorneri pissarsiarineqarsinnaasimangilaq, tarnip pissusaanik ilisimasalinnilli eqqaaneqartuni pingasuni tamani atorfeqartoqarpoq. Eqqaaneqarsinnaavoq Center for National Vejledningimi Ilinniartitaanermut,

Kultureqarnermut Ilageeqarnermullu Naalakkersuisoqarfiup ataaniittumi ullumikkut qulinik atorfeqartoqarmat marlunnillu paarlattaasunik atorfeqartoqarluni.

3. Apeqqut 3: Nunatsinni tarnip pissusiinik ilisimasalinnik qanoq annertutigisumik pisariaqartitsisoqarnersoq Naalakkersuisut nassuiaateqarsinnaappat?

Akissut: Naamik. Tarnip pissusaanik ilisimasallit arlalinni pisortani namminersortunilu atorfeqarmata pisariaqartitsineq pillugu tamakkiisumik paasissutissaqanngilaq. Qanoq annertutigisumik pisariaqartitsisoqarnera pillugu Dansk Psykolog Foreningimut apeqquteqaateqarnermi peqatigiiffik akivoq utaqqisut nalunaarsorsimanerisa ersersikkaat amerlanerusunik pisariaqartitsisoqartoq, kisitsimmilli taasinatik.

Apeqqut 4: Nunatsinni tarnip pissusiinik ilisimasallit amerlisarniarlugit ilinniartitaanikkut periarfissanik annertusaanissamut Naalakkersuisut qanoq pilersaaruteqarpat?

Akissut: Inuusuttut amerlasuut ilinniarnissaat Naalakkersuisut ingerlaavartumik suliniutigaat soorlu aamma amerlanernik tarnip pissusaanik ilisimasalittut ilinniartoqalernissaa suliniutigineqartoq. Naalakkersuisut iliuusissatut pilersaarutaat ilinniartitaanermut pilersaarummi II-mi malinnaavigineqarsinnaavoq.

Apeqqut 5: Nunatsinni innuttaasut tarnip pissusiinik ilisimasalinnit ikiorserneqarsimasut ukiuni kingullerni tallimani qanoq amerlatiginersut Naalakkersuisut paasissutissiisinnaappat?

Akissut: Dansk Psykolog Forening missiliuvoq ukiumut 5.300-8.000-it Kalaallit Nunaanni tarnip pissusaanik ilisimasalimmit ikiorneqartartut.

Apeqqut 6: Nunatsinni innuttaasut tarnip pissusiinik ilisimasalinnit ikiorserneqartariaqartut qanoq sivistigisumik ikiorserneqarnissaminnut utaqqisarnerat misissorneqarsimava?

Akissut: Naamik, ilisimatineqarnerput naapertorlugu. Ilisimatitsissutigineqarsinnaallunili piffissaq utaqqiffiusartoq allanngorartarmat.

Apeqqut 7: Tarnip pissusiinik ilisimasallip ataatsip agguaqatigiissillugu suliat qanoq amerlatigisut tigummisarneraat misissorneqarsimava?

Akissut: Naamik, ilisimatineqarnerput naapertorlugu, kisianni Dansk Psykolog Foreningimiut missiliorneqarpoq tarnip pissusaanik ilisimasalik ukiumut 100-t missaannik sullitaqartartoq.

Apeqquut 8: Nunatsinni tarnip pissusiinik ilisimasallit atugarisaat pillugit nalilersuinerit ingerlanneqarsimappat?

Akissut: Naamik. Dansk Psykolog Forening imaarsaasarnermi pissutsit pitsaanerulersinniarlugit suliaqarpoq.

Apeqquut 9: Nunatsinni tarnip pissusiinik ilisimasallit atugarisaasa pitsanngorsarnissaanut Naalakkersuisut qanoq suliniuteqarniarpat?

Akissut: Peqqissutsimut Naalakkersuisoqarfiup ilanngullugu eqqaavaa § 37 tunngavigalugu 2015-imi apeqquut nr. 237-imut Peqqissutsimut Naalakkersuisup akissutigisimasaanik innersuutissallugu.

Apeqquut 10: Naalakkersuisut tarnip pissusiinik ilisimasallit atugarisaasa pitsanngorsarnissaat pillugit kommuninut suleqatiserinnissimappat?

Akissut: Naamik, ilisimatinneqarnerput naapertorlugu.

Apeqquut 11: Naalakkersuisut tarnip pissusiinik ilisimasallit pillugit allanik soqutiginarsinnaasunik ilanngussassaqarpat?

Akissut: Naamik

Inussiarnersumik inuulluaqqusillunga

Ane Lone Bagger